

欽定平定教匪紀略

欽定平定教匪紀畧卷十五

十月二十九日

壬戌

同興奏言查曹屬各境賊匪

俱已搜捕殆盡連日尚有逃回藏匿被各村民

人隨時細送者

臣

俱訊明分別辦理茲訊出劉

景唐一犯係定陶縣韓家大廟人從徐安輞習

震卦教據供李文成是震卦教主林清是坎卦

教首尚有艮卦教首郭泗湖卽郭四鬍住居河

南虞城縣郭村地方又山西人解中寬卽謝中寬亦係艮卦在古北口外承德府一帶不知地名又巽卦教首程百岳住居城武縣程家莊坤卦教首邱玉兌卦教首候懶隴都住居山西岳陽縣西南十里之王莊又離卦尚有張景文爲首住居城武縣元家店又乾卦教首張廷舉住居定陶縣西三十五里之張家灣現在徐安懶

李文成張廷舉俱在滑縣係徐安囑導行告述
等語又李名揚一犯係劉景唐徒弟訊與劉景
唐所供大畧相同查該犯等倡立八卦邪教煽
惑數省自應一併嚴密查拏內除郭泗湖一犯
臣已密札方受疇查拏外其解中寬邱玉侯囑
隴三犯俱籍隸京北山西等處相距山東較遠
應請

勅下山西巡撫熱河都統慎密訪拏至東省尚有程
百岳張景文二犯臣已密派得力官弁分投查
緝現在曹縣單縣定陶一帶間閭寧謐

同日山海關副都統額勒金布奏言據冷口協
尉德恒呈稱委署驍騎校達隆阿拏獲長垣縣
人李得水一名嚴加訊問據供隨同河南太康
縣賊目趙姓在長垣搶奪傷人戕官劫庫等情

歷歷不諱情節重大謹繕寫供單恭呈

御覽并將該犯解交刑部審訊均奏入

上命軍機大臣傳諭托津章煦方受疇曰據額勒金布奏在山海關地方拏獲李得水一犯據供係長

垣縣人本年四月初十日來有河南太康縣匪徒二百餘人頭目趙姓衆稱爲老師傅先到該村搶掠又逼脅入夥七八十人在桑園老灣小王家村

各處搶奪裹脅日多九月初進長垣縣南門劫庫
戕官搶奪鋪店在城內共住三日後被官兵殺傷
一千餘人其大夥賊匪從西門跑出仍向黃河南
太康縣竄回該犯同七八人逃散北走被官兵盤
獲等語直隸長垣地方四月間有河南太康趙姓
頭目糾衆焚掠聚至三千餘人肆擾半年何以未
據直隸奏報托津現在長垣一帶著將此事詳細

確查如果實有其事查明嚴叅並著章煦先於省
城各衙門飭查四月以後長垣縣有無此項稟報
據實具奏不可徇隱至河南太康縣地方有頭目
趙姓聚集多人前赴直境搶掠該地方官豈毫無
聞見九月間仍有千餘人奔渡黃河之南竄回太
康該縣亦豈無稟報並著方受疇確實查明迅速
覆奏

臣等謹按逆賊滋事之時京外震驚訛言易起然非審辨虛實灼知情偽則無以定衆志而釋羣疑李得水一犯據山海關盤獲解部錄供多次其指稱謀叛之處如鐵嶺開原鳳凰城熱河河西務小鐵梁等處不一其地其牽稱謀逆之黨如趙得隴趙得鳳徐懋功馬依潮趙四之屬不一其人而悉歸於子虛烏

有顧其初實難信其必無仰蒙迅速

飭查始隨時證悉其僞此編所載係其到案初供後
載諸臣查覆之辭其譎張可以概見厥後山
海關又續獲多人他處紛紛

奏獲者亦不一而足

宸衷審慎務極推詳讞獄寬平一無株累而潛匿惑
衆亂民如高張氏王發賢郜坦照及李秋兒

霍應方宿元謨等犯皆從此究出悉寘於法
是雖非林清一黨而邪慝害正同爲隱憂查
辦豈容忽畧今各案備紀于左夫然後知

光天化日之下魑魅斷難潛形也已

上又命軍機大臣傳諭署熱河都統毓秀熱河總管
署熱河道嵩年日據同興奏續獲賊目劉景唐李
名揚訊據供稱有山西人解中寬卽謝中寬係良

卦教頭目在古北口外承德府一帶不知地名等語解中寬卽謝中寬在承德府一帶潛匿自必傳教收徒著毓秀嵩年各自遴委委員於古北口及承德府所屬一帶嚴密訪拏

上又命軍機大臣傳諭衡齡曰本日同興奏續獲賊目劉景唐李名揚訊據供稱有坤卦教首邱玉兌卦教首侯峒隴俱在山西平陽府岳陽縣西南十

里王莊居住等語著該撫遴派幹員前往該處不
動聲色密訪嚴拏一經拏獲迅錄供詞奏聞

是日兵部奏議處失察曹綸習教謀逆之正黃
旗漢軍都統福慶副都統德麟拴住等均革職
請

旨

上諭內閣曰福慶在正黃旗漢軍都統任內失察曹

綸與林清商謀叛逆計兩年零一個月比祿康失
察月日較久但祿康係由大學士獲咎降調後棄
瑕錄用之人且曾任步軍統領漫無覺察是以降
旨革職仍發往盛京福慶此次留京辦事遇九月
十五日之事毫無展布回京召見數次辭色之間
不知愧憤實屬無能無用著革職姑念未任步軍
統領非棄瑕錄用之人暫免其發遣德麟在副都

統任內失察六個月本應將職任世職一併革去
惟念伊父福康安從前屢建軍功懋著勞績仰蒙

皇考高宗純皇帝錫封貝勒身後追封郡王德麟承襲

貝勒前因

天壇大祀派令視牲曠誤降爲貝子此次再將伊貝子
革去則福康安舊勲幾至泯沒且福康安又無次
子可以改襲朕仰體

皇考恩遇福康安之心保全勲臣之爵仍留德麟貝子
其散秩大臣並所管火器營事務全行革退賞給
三等待衛在大門上行走仍罰貝子俸十年拴住
在副都統任內失察六個月著革去總兵賞給驍
騎校回旗當差

上又諭內閣曰國家設立科道職司言路原期發奸
摘伏俾大案得早破露以匡國憲而弼王章乃近

來科道風氣惟知摭拾浮詞更改一二例文藉以見長干進或竟受人囑托毛舉細故博取直名而於大奸大惡轉毫無舉發卽如逆首林清一案訊究該逆等供稱自嘉慶十一年間卽有榮華會名目至謀爲不軌則始自十六年夏間該逆等潛伏近畿傳教謀逆經年累月勾結多人其蹤跡亦不甚秘密乃科道等一無見聞竟同聾瞶實屬有乖

職守本應悉予降革姑念人數衆多從寬免議俱
著傳旨嚴行申飭惟此案謀逆重犯俱係直隸附
近州縣之人並有漢軍旗人曹綸父子預知逆謀
所有科道中漢軍及籍隸各員失察之咎尤重著
都察院查明各該員在任年月咨交吏部議處以
示懲儆

同日刑部奏將失察曹綸習教謀逆之正黃旗

漢軍叅領高濶副叅領李博文佐領劉塏承啟
驍騎校岑鐸吳雲珠及族長范瑞等拏問分別
擬遣得

旨范瑞著加枷號兩個月滿日再行發往伊犁充當
苦差高濶李博文劉塏岑鐸俱著革職發往烏魯
木齊承啟現在葉爾羌著百祥傳旨革職卽由彼
發往烏魯木齊吳雲珠先經勒休著革去頂戴發

往烏魯木齊

同日董誥等奏續經訊明逆犯緣坐家屬請將
從逆太監高廣幅楊進忠之兄弟等高大卽高
雷生高四卽高秀生高登洪卽高梅峯趙大卽
趙進貴趙三卽趙進孝五犯均依律擬斬及其
餘犯屬二十六名口分別發遣等因得

旨高大卽高雷生高四卽高秀生高登洪卽高梅峯

趙大卽趙進貴趙三卽趙進孝俱著卽處斬餘依
議

是日

上命乾清門侍衛福勒洪阿阿蘭保馳赴獨石口迎
提逆犯曹綸

十月三十日

癸亥

上命軍機大臣傳諭托津曰刻下托津馳抵開州一

帶該處賊匪情形諒已深悉如現帶之兵足數剿辦則托津軍營無庸將吉林黑龍江兩處官兵全數悉留或酌留數百名其餘官兵令其赴豫協剿以期速靖賊氛托津總將開州一帶賊匪悉數辦盡後路肅清再帶領勝兵前赴豫省協剿

是日董誥等奏覆審順天府府尹於林清謀逆一案將該管巡檢陳紹榮知縣陳鉅鏞同知張

步高叅處不公一案另行分別核議得

旨已革巡檢陳紹榮因巡查鄉村於九月十四日傳到地保宋進榮刑詰究出林清姓名次早備文申詳帶領宋進榮面稟該縣嗣步軍統領衙門拏獲林清卽係將該革員傳到之地保作爲眼目陳紹榮係河工汎員兼轄地方事前尚能留心訪查據實稟報且事後緝獲要犯多人雖有失察之咎核

其功過業經革職已足蔽辜陳紹榮著加恩免其枷號發遣已革知縣陳鉅釧十四日接據陳紹榮稟報已有傳聞詫異之詞乃顛預怠緩遲至次日始稟知府尹事後又未緝獲一犯其罪較重著照原旨發往伊犁効力贖罪已革同知張步高駐紮黃村距宋家莊甚近經該管千總告知有匪徒謀逆之事該革員不能立刻查拏又始終匿未申報

僅發邊遠充軍尚覺寬縱張步高著發往烏魯木
齊効力贖罪兼管府尹劉鑲之府尹費錫章於此
案情節曾令明白迴奏不將該革員等情罪輕重
明白區分物議不平但念伊二人咎止聲敘含糊
尚非有心朦混劉鑲之著加恩改爲交部察議費
錫章著改爲交部議處宋進榮係逆犯宋景耀胞
弟現充宋家莊地保不早行舉報已有應得之罪

經陳紹榮傳訊加以刑責始將逆犯姓名供吐情
殊狡譎宋進榮著照擬發往附近充軍其所得恩
賞銀二百兩照數追出發交五城分賞出力緝捕
人役

同日兵部奏將挑備征兵馬匹不堪乘騎又虧
短牧廠馬匹之察哈爾都統貢楚克扎布副都
統來靈議以革職得

旨貢楚克扎布於預備出征官兵乘騎馬匹並不認真
挑選率以駑馬充數又所管牧廠孳生馬匹虧缺
之數較歷屆最多本應照部議革職姑念一時簡
用乏人貢楚克扎布著降爲三品頂戴仍帶革職
留任八年無過方准開復來靈此次獲咎與貢楚
克扎布相同前在正黃旗漢軍副都統任內又失
察曹綸父子習教從逆著卽照部議革職

同日同興奏言查定陶曹縣等處剿辦逆匪一
應軍需事件必須立定章程轉飭各州縣一體
照辦臣謹督同該司等縷晰酌議除軍裝器械
鉛彈火藥以及官兵口糧薪水並雇備車騾賞
借行裝等項均請照例辦理外其採買米麥豆
草價值一項應請確核時價咨部辦理又官兵
沿途口糧應請仿照直隸

奏准成案每名每日折給銀一錢五分俟行抵軍
營再照例支給又各州縣雇備車騾安設馬撥
一切價值工料等項亦應請查照時值量爲給
發又州縣雇募民夫係爲防堵守城而設應請
照兵丁口糧之例按名支給又各州縣防守城
垣自以挑濠爲急應請乘時趕辦事竣核實報
銷奏入得

首戶部議奏

十一月初一日

甲子

那彥成高杞楊遇春奏言查

賊匪退回道口之後悉力拒守並於附近村莊

處處埋伏若仍分三路進兵恐被牽制是以

臣

那彥成高杞楊遇春等各分一路高杞由北而

南楊遇春楊芳由南而北先飭總兵音登額遵

旨運送河南省城大礮於道口對岸之小河所預備

轟擊并派慶祥格布舍抄截右路富僧德特依
順保桑吉斯塔爾抄截左路馬元徐銀張大振
等直撲中路遊擊馬光宇呂天俸等徑撲滑縣
各帶馬步官兵於二十七日卯刻分七路進發
臣那彥成親身督率直抵道口沿途遇有埋伏
賊匪俱經官兵追逐紛紛竄回道口臣等催兵
前進詎賊衆一萬四五百人蜂擁抗拒先經音

登額用礮轟其西面賊衆併力向前高杞帶領
叅將張拱辰等分力攻擊楊遇春楊芳迎頭剿
殺慶祥格布舍等各帶京兵馬隊三面衝突臣

那彥成指揮特依順保張大振等四路截殺鎗
箭並發復用大礮轟擊賊始驚惶奔竄官兵儘
力追殺於賊人挖掘濠溝處所飛越徑進乘勢
突入道口痛加剿戮正當攻擊之時滑縣賊匪

率衆一二千人前來救應經桑吉斯塔爾格布
舍張大振等帶兵截回馬光宇呂天俸並候補
知縣孟屺瞻率領鄉勇乘勢將滑縣南關焚燒
賊匪不敢復出道口官兵當將賊巢全行燒燬
自辰至酉共殺斃賊匪五六千人燒斃四五千
人生擒三百八十餘名訊明均係從賊日久打
仗一二三次不等皆曾殺傷兵勇並稱道口之

賊艮卦的人就有萬數別卦的人很多艮卦首
先起事大頭目黃興相李世玉坤卦大頭目馮
相林呂惲泰離卦大頭目徐玉坎卦大頭目孔
傳今日打散之後多在道口民房內藏著後房
屋被燒不知生死等語並鎗斃手執大白旗騎
馬賊首十餘人內有身穿藍蟒袍者一名奪獲
馬匹器械旗幟無數其餘逃匿民房餘匪除燒

金史卷一百一十五
欽遵前奉

斃外俱經嚴查搜獲臣論旨不敢妄殺無辜先經豎立良民旗幟招呼難民現在老弱男婦紛紛投出共計八九千人委員審訊內有賊匪冒充良民者三十餘名當經生擒回營訊係真賊一併正法其餘飭交地方官妥爲安置至此次殺斃燒死賊匪多名內著名賊首諒必不少實因專意剿殺天色已晚不及

細查現在餘匪俱皆竄歸滑縣城內查賊匪屯聚滑縣全恃道口爲負嵎之計抗拒官兵且爲直隸開州長垣東明山東曹縣定陶零匪遁逃之藪今仰仗

皇上天威將士用命已將賊巢全行攻燬餘匪退據滑城賊膽已寒不過苟延殘喘臣惟當鼓勵鎮

將倍加奮勉卽日統兵直抵滑城務期一鼓蕺

事仰慰

聖懷再此次

乾清門侍衛額勒精額手腿均被鎗傷巴圖魯侍
衛哈朗阿眉梢帶有鎗傷俱不甚重陣亡畧陽
營遊擊楊連仲俟查明滿漢弁兵傷亡者一併
照例咨部辦理再此次殺斃燒死賊匪計一萬
餘人其中賊目自必不少實緣收兵之時天色

已晚不能詳細確查惟訊據獲犯劉成供稱該犯係山東城武縣人充當震卦教頭向來只知林清是大總教頭並未見面本年九月十四日同震卦頭目程百岳從定陶縣到四間房在大頭目王修智家住居數日來到道口見過大教頭牛亮臣徐安惘二十六日打仗後牛亮臣等回滑縣這穿藍蟒袍被官兵殺斃的是震卦大

教頭胡德仁至總卦頭一姓林一姓李姓李的
聞說在北京盧溝橋左近開張藥店有個當家
的叫余七同馮克善於八月間俱進京去了至
今不知下落我是震卦教同教夥黨均係大頭
目王修智帶領等語又嚴加根究該犯祇知馮
克善與李姓等進京李姓係李文成之子不知
名字亦不知伊等進京所幹何事查該犯腰受

矛傷甚重當與其餘獲犯一併正法至節次獲
犯供出賊營礮位俱係搶奪滑縣及山東曹縣
定陶等處得來並非私鑄理合附陳

同日百齡奏言竊臣前經檄飭沈洪率同叅將

馬濟勝將東省匪徒悉力搜捕茲據該鎮於曹

縣之劉家樓朱家衝等處痛殲賊匪之後逐

一查拏並生擒賊目榮興太訊係首逆徐安幟

手下大頭目專弁解送徐城臣親提嚴鞫據供係

山東曹縣人師祖張一卽張義是震卦大當家

本年九月十二日張一傳知有乾字號大當家

徐安幗保著大枝幹趙姓是宋朝後人今改姓

何年十一歲滑縣城外西關人係教中真主叫

小的帶領本莊三十人跟隨造反二十一日張

一又說徐安幗傳知卦主趙姓被滑縣城內鄉

民搶去邀我們同到滑縣救出在西關外厰棚
內與徐安惻同住約有三千餘人要往澹縣過
山往北京去被官兵殺散小的跑回被獲現在
震卦頭目張一已死震卦之人多被官兵殺了
所存不多徐安惻已將家眷接至滑縣等語臣
一面已知會豫省軍營就近偵緝並將原供恭

呈

御覽至現在各路官兵雲集西北設該匪等被剿情

急恐致奔竄江境

臣

當令沈洪將曹縣善後事

宜妥爲部署查探何路緊要卽移兵前往攔截

旋據該鎮稟稱舊考城爲四路扼要之區已咨

商同興遼派副將福寧阿叅將常鳴盛帶兵赴

曹縣更替該鎮卽率同叅將馬濟勝移營往舊

考城駐紮

臣

查該處係豫省北岸本無官兵駐

守又與睢工漫口甚近距曹縣僅五十里距豐
碭亦祇二百餘里該鎮於此處安設營卡足爲
三省屏障臣復將前此續派鎗兵二百名並自
行僱募妥實壯丁三百名飭令候補知府張丕
昌等帶赴該鎮軍營與叅將馬濟勝悉心籌議
或分或合或戰或守或衝突以壯軍威或牽制
以分賊勢冀爲偏師制勝之舉至江境邊界各

營卡經臣督飭各鎮將等申明軍紀繪具陣圖
一律勤加擦練並於徐城四面及黃河兩岸分
列四營飭令知府音德和遊擊沙念聖率領弁
兵日日演習梭織巡防民情甚爲寧帖其安省
頽毫一帶亦俱照常安堵再前此續行

奏調提標兵一千名因水陸程途紆遠當於附近
各營如數改調適阮元知會有原調東海營兵

二百名在南陽夏鎮一帶護送幫船此時已無
所用臣卽令其前赴豐縣劉家集交總兵樊雄
楚管帶又狼山鎮總兵尚維侗已帶兵二百名
趕抵徐城臣卽派令前赴豫省虞城董家口率
同叅將奇里克特等駐守堵禦又蘇松水師總
兵沈烜

陛見回徐傳奉

諭旨令臣酌分地段帶兵防守當令前赴礪山北岸
馬良集率同游擊楊昇等駐守堵禦並令與烏
爾卿額樊雄楚等彼此互爲聲援仍俟節次

奏調官兵到齊再行酌量添撥俾聲威倍臻壯盛

百齡又奏言

臣查賊匪起事兩月在附近旣多

積歉之區歲序又值嚴寒之候必須將賊黨早

一日肅清庶人心早一日寧帖

臣自恨精力就

衰不能親提一旅之師滅此朝食而體訪現在情形有不能不縷陳於

聖主之前者查教匪佔據縣城黨羽雖衆而所脅不無老弱所用半係刀矛所履盡屬平地是宜以馬隊衝壓與其另調他處馬隊似不若多調東

三省勁兵直前進剿可期一勞永逸又山西與直隸毘連各山徑要口尤應預爲攔截免致該

匪等入山爲遁逃之藪又探聞匪徒欲於冰凍之後渡河而南查此時黃河渡船已提泊南岸其自口門南下之船臣已移咨戴均元方受疇一體派員攔截并飭下游安省之鳳陽道府於臨淮關口嚴密稽查惟是能嚴防於黃流未凍以前恐難禁絕於河面旣封以後應請

勅下山東河南撫臣遴派大員督飭河營官兵於睢

州迤東黃河南北兩岸節節設卡防守庶幾有
備無患伏祈

睿鑒採擇

同日衡齡奏言臣據代州知州孫樹新稟報該

處盤獲賣字人孫惘柱一名面生可疑當經嚴

加盤詰據供聽從安徽盱眙縣教首周泳泰謀

反來探山西路徑欲赴河南彰德府回話等語

并在該犯身上搜出大順錢一枚稱係周泳泰
給爲記號將來事成國號大順等供查該犯所
供情節重大謹繕錄供單恭呈

御覽又前此澤州府王廷瑛檢獲首呈控告王銀廣
等一案臣詳加查對首呈與書信字跡似係有
心互異細驗如出一手恐係誣捏俟確訊供詞
再行奏

聞謹先將原呈及書信呈

覽均奏入

上諭內閣曰那彥成等奏督兵攻克道口賊巢一摺
道口賊巢逆匪等盤踞日久負嵎拒守與滑縣匪
徒互相援應並在附近村莊各處埋伏以圖牽制
官兵那彥成高杞楊遇春督率將領分兵七路於
十月二十七日卯刻同時進剿沿途將埋伏之賊

先行剿散賊衆蜂屯抗拒總兵音登額先用礮轟其西面高杞帶領叅將張拱辰乘勢攻擊楊遇春楊芳迎頭剿殺慶祥格布舍各帶京兵馬隊三面衝突那彥成督率特依順保張大振等四處截殺鎗箭並發復用大礮轟擊賊匪驚惶奔竄官兵等飛越溝濠直入道口正在剿戮之際滑縣賊匪率衆一二千人前來救應經桑吉斯塔爾馬光宇等

帶兵截回並焚燒滑縣南關賊匪不敢復出官兵
遂將道口賊巢全行燒燬自辰至酉共殲斃賊匪
一萬餘人生擒三百八十餘名並鎗斃執旗賊目
十餘名奪獲馬匹器械旗幟無數現在投出難民
有八九千人內有賊匪冒充良民者三十餘人俱
經審明正法所辦可嘉之至那彥成高杞楊遇春
親歷行間督率調度俱屬奮勉著加恩先行交部

金瓶梅詞話卷之五十一
三
議敘並賞給那彥成四喜玉搬指一個四喜玉牌

一件玉鼻烟壺一個黃辮大荷包一對小荷包二

個賞給高杞四喜玉牌一件玉鼻烟壺一個黃辮

大荷包一對小荷包二個賞給楊遇春四喜玉牌

一件黃辮大荷包一對小荷包二個其各路帶兵

大員著那彥成等秉公查明擇其實在出力者奏

明賞給議敘其餘將領員弁著查明開列清單將

應行陞擢及賞戴翎枝者分別保奏候朕降旨施
恩但必須趨衆奮勇如飛越溝濠不避矢石者方
准列入如侍衛額勒精額哈朗阿二人現俱受傷
著卽歸入保奏之列毋得冒濫再發往鑲鑽翎管
十個玉柄小刀十把玻璃鼻烟壺五個花磁鼻烟
壺五個分賞出力官弁一兩重銀牌五百面五錢
重銀牌五百面分賞出力兵丁以示獎勵

上命軍機大臣傳諭那彥成高杞楊遇春日那彥成
等奏督兵攻克道口賊巢摺內聲敘此次慶祥等
率領京兵馬隊三面衝突從前健銳火器營官兵
調赴川楚協剿時朕聞其頗不得力此次臨陣衝
突其中自必有勇往出力者著那彥成等據實查
明保奏數人候朕施恩令京營官兵聞知亦共知
鼓勵但必須擇其奮勇向前之人不可徇情冒濫

至該督所奏訊據獲犯劉成供稱總卦頭目一姓
林一姓李姓李的聞說在北京盧溝橋左近開張
藥店有個當家的叫做余七李姓係賊首李文成
之子不知名字同馮克善於八月間俱進京至今
不知下落等語已據該督所奏密飭步軍統領衙
門順天府嚴密查拏但前據林清之甥董軻太供
稱馮克善曾於本年正月內到林清家一次旋即

回去李文成義子劉成章本年八月亦曾至林清
家內京城自九月十五日以後附近地方查拏緊
急該犯等未必仍敢逗留京畿地方或逃回滑城
等處亦未可定該督不可因京城現已指名緝拏
本處轉有疎漏卽日攻破滑城務留心訪緝並著
於擒獲活賊內嚴行根究此等著名首逆必須盡
數擒殲以淨根株切勿疎縱此次逆賊罪浮於川

陝白蓮教凡大清國之臣民同深痛恨實心辦理
方妥勉之其所奏訊據活賊供詞艮卦大頭目黃
興相本在道口殺敗之後藏匿民房卽被官兵焚
燒不知生死等語該逆黃興相黃興宰兄弟係首
先起事之犯此次黃興相一犯是否業被燒斃必
須驗有確據方可憑信具黃興宰一犯現在何處
亦須嚴查下落毋令倖逃

上又命軍機大臣傳諭百齡曰百齡奏江省官兵將曹縣匪徒搜捕淨盡移營豫省交界地方扼要截剿覽奏俱悉本日據那彥成等奏報官兵於十月二十七日攻克道口賊巢殲斃賊匪一萬餘名投出難民八九千人現在潰竄餘匪均歸入滑縣城內官兵卽日進兵四面圍攻賊衆已困守孤城大兵雲集不難聚而殲旃但恐滑城攻克之後賊匪

亡命奔潰則東西南北莫能定其所向豫省歸德
一帶與江安二省境壤逼近現在正當剿賊喫緊
之際該督當嚴飭各處營卡帶兵鎮將晝夜偵探
一有賊蹤卽迎頭堵截就地剿殺勿任賊匪一名
旁竄至該督所奏剿捕機宜現已調派吉林黑龍
江官兵二千名前赴軍營合剿其山西邊界並派
兵防堵至黃河南北兩岸應設卡防守之處該督

卽就近知會方受疇等彼此不分畛域隨宜堵禦
毋稍疎虞

上又命軍機大臣傳諭百齡那彥成方受疇日本日
據衡齡奏代州地方盤獲賣字人孫幗柱一名搜
出大順錢一枚訊稱籍隸安徽盱眙縣嘉慶十年
四月間經教頭周泳泰同郭太任太等糾約入教
周泳泰自封忠孝王其教係縣民林盛傳授周泳

奉令其在外探聽何處荒亂欲圖起事周泳泰亦
自往河南本年四月在正定遇見周泳泰欲赴彰
德府聚人令該犯先赴山西探聽路徑赴彰德府
回話其大順錢文係周泳泰給伊作爲記號事成
僞號大順等供彰德地方距滑縣甚近周泳泰既
有在彼約人之事此時或投入夥黨或尚在彰德
等處潛匿著方受疇遴派幹員在彰德府一帶嚴

密查緝捕獲奏聞那彥成亦留心查訪於獲犯時
嚴訊有無周派泰在內該逆係盱眙縣人並著百
齡迅卽遴派妥幹員弁前往該縣查明下落其傳
教之林盛並同教之郭太任太等均卽按名查拏
解交該督親自審辦毋任聞風滋事

上又命軍機大臣傳諭衡齡曰孫帽柱一犯著該撫
牢固監禁不必亟亟正法其王道濇于克敬二犯

係在山西一路傳教此時恐尚在該省潛匿該撫務飭屬一體留心查訪勿使勾結其王銀廣等書信或係有人挾嫌匿名誣捏亦未可定但案關重大仍應切實根訊奏明辦理或向王銀廣等詰訊伊平日有何仇恨之人令傳案查對筆跡或可得其端倪所有原呈書信等件仍行發回

是日衡齡又奏言竊照太行山外與河南交界

處所前奉

諭旨飭令張績帶兵防堵當卽兩次撥兵二千名接續前往均經具

奏在案嗣准那彥成咨調防兵一千名前赴軍營當又飛咨張績將初撥防兵一千名派往協剿

臣與張績札商現在仍止有防兵一千名山外地勢綿長實不敷用又於大同鎮各屬補調兵

一千名以足

奏明二千名之數現已勒限起程其山西近接據
省除潞安澤州二府各隘口俱已添兵嚴堵外
其餘遼州平陸芮城垣曲並與直省交界之平
定等州縣各隘口現亦於原派弁兵外陸續加
派營兵數百名以資分堵奏入報

聞